

中國方志叢書·華中地方·第一九二號


據

纂修姓氏不詳
明萬曆三十七年修，清光緒十九年刊本

影印

浙江省

錢塘縣志



成文出版社有限公司印行



1018695

中國方志叢書·華中地方·第一九二號

據

纂修姓氏不詳
明萬曆二十七年修，清光緒十九年刊本

影印

浙江省

錢塘縣志

(二)

成文出版社有限公司印行



10101815

中華民國六十四年 月壹一版

錢塘縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

萬曆錢塘縣志

光緒十九年
武林丁氏刻
陶涪宣署

錢唐縣志序

邑有志猶國有史徵往憲來于是乎在夏殷聖人之
後文獻不足尼父喟然而歎志胡可已徵志不徵不
徵不信而錢唐號天下名邑山水韶秀人物魁傑列
郡無敢望四王六帝之都二千餘年未有載乘真缺
典也聶侯純中蒞錢唐五年邑大治秋七月乃慨然
就不佞輩謀焉不佞亨逡巡避席曰盛哉盛哉一邑
之鑑千古之權乎顧所以爲此甚難古之良史論世
綜變積有歲年銳然舉之葇月而已則時難舊事游
覽備略郡志畫方慎辨肇自今茲尺寸縑素俾無奪

論則割難山川土田較然列眉往哲既定無畏多口
但是潛隱不耀耳目未共而逐影噉名之流俯慙一
室仰慕千秋經非魯麟筆非董狐則直難此三難者
愚人之所驚也而賢者之所避也腋一狐以爲裘張
一目而網羅千載能乎哉聶侯奮袂而起曰心湯愚
之人也寡賢者識然而事有本始椎輪大輅圖難于
易是在方略曷避焉歲年不足請兼日并夜而攻之
創畫惟艱請比類分戶臚列而參之山水遡其初沿
革存乎代賢豪傑起出如褚子處若林逋誰得而問
諸乃可上可下臧否否臧請證輿論而統一之疑則

闕之寧不足令可加無有餘而濫也知我罪我湯也
任之則何如于是闔書院徵三五文學茂才事各爲
目人伸所長博采諸羣籍實訪于諸老校義起例釐
爲十紀時不佞方病瘧稱水量藥不獲從諸文學簪
筆効拙目而侯之志已告成矣病間屬爲序不佞亨
乃作而歎曰盛哉易若斯乎賢者固不可測夫遷固
稱古良史然遷本左氏國語采世本戰國策搜貫經
史世龍門之業班椽抽蘭臺之祕雍容筆札亦多摹
倣史記稍爲增損歷時結撰匪朝伊夕而聳侯處劇
邑當塵軌之衝焦心于水旱駢指于簿書昔之才者

揮五弦送飛鴻猶謙讓未遑日亦不贍而侯乃舉二
千餘年之缺典四月而成之草創比于裨譭摘采擬
于司馬而取義闕疑尊乎麟史斯不亦治聲卓魯而
謫羈游夏者乎端木生有言見其禮而知其政覽是
志也政可知已萬厯己酉仲冬朔儀曹郎邑人黃汝
亭撰并書

錢塘縣志敘

古方國皆有史史亦世其官天子歲遣行人采之觀
治辨謠俗而羣后述職又輒以其建置廢革貢諸天
子太宰弊其得失而殿最焉其列在內外史既可覆
而按也雖周之季如南宮适之徒猶得百十二寶書
而志之楚左史相能讀墳典邱索而子革且將敖其
所不識文獻之徵蓋其難已吾浙星野爲斗女之分
方域隸揚州之內厥土塗泥厥賦下上錯瑤琨篠簜
齒革羽毛惟木虞夏之文已能志之而漢以來物產
人文幾與上國埒迺錢唐之名最著而我國家更置

郡邑列於省會披輿圖爲千百城冠其山川環麗舟車輻輳甲于天下而聲名文物英賢照映殊尤絕跡足爲百世徵者豈宜無紀考浙之志成于嘉靖之辛酉杭之志成于萬厯之戊寅而志錢唐者寥寥二百餘年其間汶弗彰之謂何設令天子修外史之職詢掌故于方國其敢以不敏應歲之作疆邑令聶侯庭空政成輒喟然曰豈不穀是爲而乘載不備故實無稽胡以法前修而憲將來也于是網羅軼文旁采聽睹而甄敘論列悉自躬裁爲紀者凡十曰疆域曰勝覽曰制度曰郡邑曰官職曰士品曰遺獻曰文章而

仙釋方技齊諧稗說亦略具焉夫分懸覲上稽度攷
憲非精核弗勝也屬辭比事詮奇表異非博綜弗勝
也而袞鉞片言彰瘡百世又非持大公而秉直道弗
與也由茲以譚其非迂遠腴鮮之務可知而寥寥二
百餘年者胡以也矧今之述邑徵者又異甚曰洪濤
喻縮兩海一經高峰際天旁魄緯星不然則壓絛織
文竹箭南金袷服切雲目眩心驚又其大者詩書禮
樂闔闢而是衣履冠帶衡紵纓此皆所以志乎而
非也當草昧初余不具論如成弘之際休養教化官
不識民民不識吏幾于睢睢盱盱之風而今然乎哉

法令滋章媮靡日甚一唱百和走利如鶩士之不馴而競也民之朴而嚮也重以水旱不時之灾征輸無藝之擾當事者蓋有隱憂焉吾意侯之爲是志也其上諸金匱石室無廢外史氏之職幸甚無亦惟是上計之日報諸天子如占述職故事或其垂念東南士風民力而稍加之意乎自今日往按圖指掌曷興曷廢某善某良較若列眉觀若畫一則與侯代興者夫豈無賴焉我國家無疆厯服幅員萬里而錢唐得臚于督亢畿輔間其二百餘年之文獻忽曜闡汶于光明則昔人所稱爲不朽計者端在是矣余奉命按

籍留都而道故里適侯議築南湖貽邑永利有味乎
遠慮勇斷二語足爲循良著蔡且樂觀斯志之成也
遂不辭侯之請而僭敘其端萬厯己酉冬孟吉旦仁
和陳禹謨譔

錢塘縣志序

錢塘名邑始見羸史蓋源三池委三漸其義坦然泉途云繇鳥目龍巖蜿蜒而來楊髻千官石次吳越以受龍冊而翔鳳林苞文鸞舞斂翮鳳山五寺之基爰奠宋鼎衍鳳厓于斯焉時爲四王七帝之都然卒無有擬三輔黃圖者其蹟僅散見二十家志郡而及斯邑者潛公說友之外又四三家獨周氏舊事孫氏文獻田氏遊覽偏紀其槩而已是名邑二千餘年未始有專志也新淦聶侯視邑五載聲績凌出向志所紀黃葉廊余諸令上僉謂侯大興水利宜成河渠書顧

金史卷之五
總于伐不果成出製錦緒工成斯專志罷諸家之製
焉雖時取周潛夫田學使陳方伯諸書徵文學掌故
輒比其議乃自用與移國竊中物猶家之督手籍生
產蓋藏禾幾阡食幾指矣宰之神明棣通明聖通其
所降之神生而肖侯譽之匪僻復通其所主之神治
而肖侯頌之匪詔政爾何煩外咨耶語以其謙亦或
綴景陽之尺寸乞彭澤之一絲兩絲于纓綬徂褐繡
黃者流至積緇爲升積升爲緇積緇爲紀紀至于九
流趙繡列國之圖則咸出自機杼曾不使一人學吾
製矣二千餘年錦城宛然重見五代衣樹之色焜耀